

十朝东华录

乾隆朝

第六  
卷  
七  
册

秋七月辛酉胡諭孫士毅孫承清先後奏到接據太平府知府陸有仁稟稱有安南國牧馬鎮夷官阮輝官帶同男婦老幼數十人至龍州斗奧隘地方對河求救詢據該夷官口稱該國被土酋阮姓攻破黎城嗣孫黎維祁出奔伊與夷官黎傳等保護王母王子等避兵博山社後遂追竄逃至河邊無計可脫求救入隘經守隘弁兵向其詢問遙望隔河有百餘人似係前來追趕及見河北見有兵勇不敢過河查點老幼共六十二名口即收入隘內撥房棲止經陸有仁面向夷官阮輝宿等逐加詳詢因該國夷酋阮岳恃強搆兵攻占黎城西南及迤北各府俱不肯從賊嗣孫先已避赴山南等處調兵征討見無消息阮岳等遂加詳詢因該國人心戴舊若嗣孫乘隙而動阮岳即可一舉成擒阮輝宿等護送王母王子避難內投防情願回國找尋嗣孫俟勒平阮岳後再迎嗣孫之眷屬歸國等語安南臣服本朝最屬恭順該國王黎維祁病逝長子早故黎維祁例應承襲前因該國遺失印篆僅備文申請補給並未遣官告哀於體制不合經該督撫等奏聞已據例復行撤詢原俟該國再遣使懇請即准其補給敕封今據孫士毅等奏黎城地方竟被阮岳占據黎維祁赴山南等處調兵尙無消息而伊母及子幾被賊搶劫跟蹤內投自當妥為撫恤加意防護見在該國眷屬以及隨從人等業經地方官撥房安頓孫士毅孫承清已先後馳赴龍州著傳諭該督等務宜就近親加照料優給廩餼俾無失所並傳知該嗣孫之母以該國雖被阮岳攻破黎城嗣孫出奔伊等懼被賊辱沒率兵內投見既來至內地各關隘均有重兵防守斷無虞賊匪闖入內地傷害伊等督撫已將此事奏聞大皇帝隨奉旨安南臣服天朝素為恭順著該督撫妥為安頓保護優給廩餼該嗣孫之母等可暫在龍州居住不必過於憂念見在該國境土並未盡歸賊匪且人心戴舊足恃內地各關隘又已檄調重兵助其聲援伊子黎維祁趁此招集義兵無難滅賊恢復俟其國內稍甯即可迎伊等同國等語向該嗣孫之母詳細傳旨告知使其安心居住內地將來護送歸國以副柔遠字小至意至該國眷屬被迫內投時勢在窘迫若地方各官辦理拘泥不即收入隘內必至被賊戕害今該府陸有仁一聞對河夷官等率眾求救即令移入隘內並派兵防護俾該國眷屬人等不至為賊劫留戕害又面向該夷使等詢得詳細情形稟明該督撫等具奏實為能事可嘉陸有仁已升擢道員著該督撫於事竣後給咨該員送部引見仍著先行交部議敘將此通諭知之 壬戌諭向來六部尚書侍郎每年俱給予雙俸雙米而大學士之兼管部務者則照尚書例俸米俱屬雙支其不兼部務之大學士每年俸雙俸單米大學士領袖班聯職分較大所得俸米比尚書轉少殊未允協嗣後大學士之不兼部務者亦著加恩給予雙俸雙米以符體制○諭軍機大臣等據富綱奏六月初十行抵順甯察看細甸來目等情形極為誠敬並據耿馬土司稟報聽聞細甸已將楊重英送出富綱恐在彼坐守或致該頭目等重視居奇又生更變查大理亦係必經之路較順甯程站亦無紆折見將來目人等並重象什物先行帶赴大理妥為安置恭候諭旨遵行又另片奏來目內業渺瑞洞一名愚竊令回耿馬居住調理等語實屬糊塗已極細甸此次差人進貢情詞極為恭順係屬好事况經派委副將等員驗詢已屬確實向

復何所疑慮乃富綱前接稟報時即以無關緊要之楊重英向其根究索取已屬不曉事體今據駝馬土司探聞該國將楊重英與原留雲南兵丁四名廣東客民七名送出而富綱又慮該頭目等重視居奇將其來人並貢物象隻帶赴大理候旨遵行用心太過懇不著要試思楊重英為何物富綱遽以為實欲待其送出始將貢目人等一同護送來京若係富綱被緬甸裹去送出或須如此辦理然亦當將貢目人等先行送京其續行送出之人何妨隨後派員護送斷無等齊起程之理見在葉渺瑞洞等染患瘧疾未必不因在彼久耽時日所致富綱何不曉事之輕重緩急至於此極直乃下愚不移可恨可笑著再傳旨嚴行申飭將此由六百里加緊傳諭知之仍將接奉前旨如何日派員護送貢使人等起程之處據實明白回奏又諭楊重英從前係被緬甸裹去原與叛逃者不同今經緬甸送出伊係無罪之人將來送到時不必加以鎖鍊並著富綱向其傳知以伊前被緬甸裹去聞其至阿瓦後總在寺廟居住並無娶妻生子之事從前蘇武被匈奴拘卽在匈奴娶妻生子仍用為典屬國如楊重英果無其事是向比蘇武為勝卽或亦經娶妻生子不過與蘇武相等亦無大過雖伊同京後自無顏復望如蘇武之得還錄用然亦不至治罪該督傳知後卽令楊重英將有無在緬甸娶妻生子之事自行據實說出並派員帶同在彼起程同京諭令沿途安心行走不必疑懼○丁卯諭軍機大臣等前據圖桑阿陳淮奏荆江泛漲府城被水衝淹已屢諭令舒常等親往查勘妥為撫恤矣其摺內稱西刻陡漲潰決江水直衝城下連將西北兩門衝開等語前次荊州被水時水勢亦曾至城下當將城門關閉用土圍塞城內並未衝入此次水淹府城若係衝塌城垣而入尚可諉為人力難施今水偏城下衝開西北兩門自由城門並未圍土辦理不善所致至陡漲各土尤為禦水而設本日據軍機大臣查奏四十四四十六兩年荊州兩次被水俱曾借項興修陡漲用銀七萬餘兩及四萬兩不等分年於各業戶名下徵還該處隄工因例歸民修向無保固督撫等既不慎重揀派妥員辦理而承辦之員又以此項工程係勦用民力並不認真修築外省官辦工程尙有草率浮冒情弊何況民修之工官員等從中偷減浮開尤屬事之所有以致陡漲不能鞏固屢被衝缺而此次被淹情形尤重著傳諭該督等務遵前旨卽將見衝隄工係何員承修查明嚴參著賠以示懲儆至該處被淹兵民情狀可憫該督務當遵照節次諭旨詳悉查明加意撫恤所有此次撫恤被災戶口以及修理隄工城垣倉廩監獄並兵民房屋除官員衙署可以分年借廉修補外其餘共需銀若干之處並著該督等卽通盤約計大槩先行具奏若錢糧不敷又可速撥該督等務當親加履勘切實估計不得一任屬員藉端浮開預為侵冒地步將此由六百里加緊諭令知之仍將查辦情形迅速覆奏以慰廑注○戊辰諭向來漢大臣官員有射中布靶三箭者朕每格外加恩賞戴花翎以示鼓勵是以前日張若淳曾中二箭因不合式未賞本日汪承霈前來熱河帶領引見詢及伊從前射靶時止中二箭卽賞戴花翎前日張若淳亦中二箭未經賞給汪承霈係協辦大學士尙書汪由敦之子今張若淳亦係大學士張廷玉之子且肯留心習射尙屬奮勉著加恩一體賞戴花翎以示朕眷念舊臣之意○諭軍機大臣等據富綱奏接奉諭旨遵卽委員伴送緬甸貢使人等於六月二十一日由大理起程前往熱河瞻覲等語大理距熱河

萬里該貢使等於九月初間起至熱河沿途自須上緊趕行方不誤展觀之期但六月二十一日至九月初間尚有七十餘日以每日一百五十里計算行走尚屬從容儻或催趨太急致該貢使等過爲勞頓途中有染患疾病等事殊非體恤遠人之道著傳諭沿途各督撫務宜據派委員加意照料護送俾該貢使等趕緊趕行勿使過於疲乏仍於九月初間前抵行在方爲妥善○己巳諭本年三四月間因諸臣條奏科場弊竇曾令大學士九卿議奏並降旨通行飭諭矣彼時據阿桂奏外間傳有謝墉抽身便討吳玉綸倒口卽吞之語朕卽以阿桂若僅奏謝墉聲譽不好伊二人前在吏部時原有齟齬而吳玉綸則並無芥蒂則其言似非無據卽他臣雖未有明言其輿論平常而伊二人之在學差任內不孚眾情之處聞知者亦復不少學政爲掄才所關既聞自無弊情事安可置之不辦隨降旨令李侍堯閱鶚元各將謝墉吳玉綸在任聲名究竟如何之處就近訪查據實具奏前據閱鶚元奏謝墉初任江蘇學政聲名實屬平常其復任時尙知悔過頗爲謹飭而李侍堯則稱吳玉綸在學政任內聲名俱藉至今聞省士子猶懷忿恨上年因吳玉綸條奏科場該省之人無不傳爲笑柄以吳玉綸卽係作弊之人如何亦說防弊但事隔年久實無憑據等語適吳玉綸在熱河扈從隨面加詢問據稱因伊曾條奏西監應行補捐一事是以爲眾所怨昨謝墉帶領引見來至熱河亦面加詢問據奏伊因考試過嚴未免取怨於人及詰以因何有抽身倒口之語伊二人則皆奏係奇聞奇所寄小說所載陳言想係怨之者因而附會等語辦理科場本當嚴密如果悞遵成法自矢潔清士心正當翕服卽或有被遺之人爲散播謠言亦何至憎茲多口至吳玉綸條奏指監係四十六年之事而其簡放福建學政已在四十八年以後相隔甚久尤爲兩不相涉若云出自奇聞奇所寄則古今書籍所載陳言甚多何以不取而附會他人獨於謝墉吳玉綸二人曲加附會不謀而合但此事既經閱鶚元李侍堯就近查奏並非無因卽將伊二人革職交刑部審訊治罪亦不爲過姑念阿桂所奏究係傳聞且無人不知而李侍堯等亦因事隔年久查無確據朕從來不爲己甚何必遽興大獄但伊二人俱係大員經朕特簡學政乃聲名至此平常朕甚愧焉謝墉吳玉綸何以復勝卿貳之任均著降調爲內閣學士其職不過專司批本並無應辦緊要之件伊二人學問尙可是以特予從寬此皆朕格外矜全伊二人務當痛自愧悔勉爲漸濯如再不知悔改必加倍重治其罪其吏部侍郎員缺著朱珪見在出差所有吏部侍郎事務並著管幹員兼署至各學政如有關節賄賣等缺著趙鎮補授工部侍郎員缺著管幹員補授朱珪見在出差所有吏部侍郎事務並著管幹員兼署至各學政如有關節賄賣等情督撫近在同省斷無不知之理前已有旨交該督撫等嚴行查訪具奏或言學政舞弊營私本省督撫知而不舉必係督撫自己廉隅不謹恐爲所訐若該督撫等竟敢與學政通同一氣作奸犯科尙復何事不可爲然督撫等俱受朕深恩特加委任或不肖如王賈望陳輝祖郝碩國泰齊麟私弊舉於學政弊竇自不敢舉發而王賈望等俱已先後敗露立置重典亦不藉學政之參奏也但外省官官相護惡習牢不可破今屢經降旨通飭各該督撫等務宜實力查察如學政等有仍前情弊立即嚴參究辦儻有心徇隱必將該督撫一併從重治罪決不姑貸至士子等應試時原不能無所去取其取中者自必感激無言而被遺者不免心懷怨望終

修之口固不足憑但考官學政等果能秉公錄取毫無弊竇公論具在斷不至如謝塘等之眾口一詞貽謗謗廣嗣後各該學政亦當益矢冰兢公平校閱勿滋物議務拔真材以副朕訓誨成全之至意將此通諭知之○諭楊重英之子楊長靈見在刑部監禁今查明楊重英並無順從緬甸情事是楊重英係屬無罪之人伊子楊長靈著即行釋放○庚午諭軍機大臣等見在安南雖被阮廷攻占黎城而嗣孫下落尚無確信若遽言進討不免太早止宜飭令附近之左江高廉並雲南開化臨元二鎮以安南有事恐賊匪乘間闖入關隘豫備截擊為詞各在本境整飭兵馬器械朝夕操練以壯其聲勢俾該國人眾聞內地派兵豫備或聚難邪借此聲援糾集兵民徐圖恢復此亦一辦法但仍宜不動聲色妥為布置不可稍涉張皇至該國高平諒山等處因與內地附近阮岳恐天朝進討先誘令從逆者傳諭孫士毅可即作為己意撤論各該鎮目等以阮岳恃強篡奪該鎮目等俱係黎氏舊臣又與天朝接壤理應幫同剿孫勤賊何得甘心附逆黎氏臣事天朝最久今該國臣下膽敢肆行竊據天朝已派重兵豫備剿辦該鎮目等距內地尤近儻能改邪歸正擁戴舊主不但可以轉禍為福必邀大皇帝厚賞若不速知悛悔歸正將來大兵進討必首就誅夷決不寬貸如此剴切諭知庶可以斷賊匪之咽喉而壯黎氏之聲援自有裨益○辛未命阿桂德成往勸荆州水災撫庫銀二百萬兩解往備用○癸酉命江南及河東等處王次建、黃河神廟並江南清黃交匯地方建、淮河神廟春秋致祭載入祀典○甲戌諭軍機大臣等安南臣民人等與內地赤子無異況阮輝南等護送嗣孫之眷屬還雅內投復情願回國投尋嗣孫通信該督即應一面奏聞一面派員帶同分赴雲南廣東二路指引出口乃不至誤事何必尚待奏聞孫士毅係脫事之人不應辦理拘泥若此如此時該陪臣等由雲南廣東回國所需夫馬口糧等項內地沿途有地方官為之備辦其出口後必無所耗給著每人賞銀一百兩俾資接濟再該國眷屬見在龍州安插將來該國迎回時必須告知此次遣回人等於伊三人內遣一二人前來始准其迎回若該陪臣等先已起程不及告知亦當傳知留侍之三人令其細思該國有何記認以便將來作為符驗否則恐阮岳等暗遣黨羽冒充使臣將該國眷屬誑回戕害不可不慮此係朕代為籌畫萬全孫士毅可將此二節親向該陪臣等詳細傳知以此事皆出自大皇帝恩典為該國等及無微不至使之倍加感激思奮也○丁丑諭李侍堯自調任閩浙總督辦理軍需諸皆妥協本欲俟大功告竣後仍將伊原襲伯爵賞還嗣因其於柴大紀種種營私舞弊不據實參奏咎實難辭是以未經給與第念該督係在事後赴任於柴大紀未經覺察尚屬可原且駐紮泉州廈門承辦軍需及調度一切始終無誤李侍堯著加恩仍賞還原襲伯爵至李奉堯承襲以來並無過失今既將伯爵給還伊兄李奉堯並著賞給提督銜此係朕有過賞功恩施格外李侍堯等宜倍加感激奮勉以副委任○庚辰諭昨以福建臺灣文武員弁因循玩愒怠食婪釀成逆案不得不徹底究辦因高勒渾雅德久任該處督撫首倡伊二人之罪即經交刑部治罪茲湖北官員雖無釀發情事而其廢弛貽誤竟與相等此而不行嚴辦其何以懲貪玩而慰輿情特成額權用胡廣總督在任三年之久官為廢弛所有活埋冒賑各案俱係伊任內之事乃於該管隄工又復毫無覺察其罪竟不減於高勒渾雅德

渾雅德似此負恩溺職豈可復令駐紮回疆仍帶翎頂管束人眾特成額著革職交刑部治罪所有烏什事務著侍郎明興前往接管此旨即著明興帶往俟其行抵烏什親向特成額宣諭後將伊等問即派委委員迅速解京交刑部治罪於冬至前趕到勒保見署陝甘總督回任尙需時日所有山西巡撫事務著梁肯堂暫行前往署理梁肯堂見派令譚送戶部解往荊州銀兩所有頭起之一百萬兩已於十九日起程本日據畢沅奏請於河南徵存地丁銀內撥出一百萬兩就近解往俾速資接濟等語已准其就近撥解其戶部二起銀兩尙未起程即毋庸解往以省運費梁肯堂俟頭起銀兩解送出境之後即由彼速赴山西署事梁肯堂未到之前山西巡撫印務暫交鄭源瑞護理直隸布政使印務著富尼善署理其按察使印務著該督揀選妥協道員奏明署理朕本欲舒常來京供職因其曾任湖廣總督上年李侍堯調任閩浙一時之人以舒常人尙小心是以差往署理續行實授今該省似此種種廢弛貽誤舒常並未據實陳奏容無可辭豈可復膺封疆之任舒常即著解任留於荊州工次效力自贖李封曾任該省巡撫並不能實力整頓相沿玩誤伊亦無顏在京供職並著前往荊州管工效力自贖其行在刑部印鑄著福康安帶管見在荊州隄陞城垣各工已命阿桂德成前往勘辦阿桂等將大局勘定估明後即交與舒常李封在彼監修俟各工及災賑等務完竣另降諭旨其十年以內之承修官員並該管各上司仍著阿桂遵照前旨詳細查明分別嚴參從重治罪並著賠補用昭懲創所有湖廣總督員缺著畢沅補授目下河南並無緊要應辦之事畢沅接奉此旨不必來行在請訓即速往荊州辦理撫恤各事其河南巡撫員缺著伍拉納補授徐嗣曾見在臺灣承辦城工諸事其巡撫事務係伍拉納護理伍拉納俟徐嗣曾同至內地後再赴河南新任伍拉納未到之前河南巡撫事務著惠齡速行前往署理惠齡見在出差距豫省不遠伊係朕素知之人不必再來請訓即著就近馳往河南署事李侍堯雖到湖廣正署將及一年履任未久亦難辭咎但念伊到湖廣任後即將活埋人命一案據實查參隨即調任閩浙於地方諸事不及整頓未暇查出且伊到福建後即在泉州廈門辦理軍務一切始終無誤功過實足相抵著加恩免其治罪姜晟到任未久將來查明亦可從寬此係朕格外矜原李侍堯姜晟當倍加感激奮勉自效毋負委任朕臨御五十餘年教天勤民孜孜不倦於臣下功過輕重惟視其人之自取固不肯爲已甚亦必去其太甚貪玩從不稍寬而權衡務歸至當所有臺灣及荊州兩事地方官懈弛玩愒誤公殃民至於此極朕不能早得查察弭於未然朕方引以爲愧今相踵敗露安可再事姑息不爲從嚴辦理以儆將來爲此明白宣諭大小臣工嗣後務當益知儆懼倍矢清勤以副朕整飭官方諄諄教誡至意將此通諭知之○以伊猷布爲福建布政使由揀發○辛巳諭柴大紀在臺灣總兵任內任意廢弛營伍縱容兵丁等在外貿易並婪索夫價及海口船隻陋規生日節禮得銀拔補外委等款職私累萬盈千追賊匪竊發並不即時帶兵親往撲滅復託詞回城調兵遷延時日以致釀成賊勢及收復嘉義縣城時又不併力追剿與賊以暇致賊人復得占踞斗六門大里杙等處修築抵禦種種貽誤軍機經福康安等定擬斬決解京辦理朕以柴大紀情罪重大本應立正典刑其在嘉義奏稱不忍以十數萬生靈委之賊手情願固守之處雖查係義

民不肯放出皆屬謠詞朕究念其尚有守城微勞欲俯解到覆訊後加恩從寬末減改爲監候茲據福建委員將柴大紀解到命軍機大臣會同大學士九卿覆訊柴大紀復思狡展翻供抵賴並供稱德成前在臺灣連日審訊義民誘令如將柴大紀賊罪指出必重賞如不實說即行治罪等語朕命將節次申飭福康安諭旨令其閱看並經朕親行廷訊始俯首無詞而於認罪之下仍思狡飾柴大紀一案朕專交福康安徐嗣曾審辦德成不過係派往勘估該處城工並無審事之責與伊何涉妄行攀指柴大紀之意不過因此事係由德成前在浙省有所風聞到京因朕問據實奏明所聞後始行查辦遂心懷忿恨欲乘機將德成牽陷伊或可希冀脫罪奸巧之極甚屬可惡柴大紀竟係天奪其魄自行取死豈可復從寬典柴大紀著照所擬即行處斬以爲孤思昧良狡詐退縮者戒○諭昨因近年湖北吏治廢弛已極荆州見復有潰決隄隘淹斃多命之事不可不嚴行辦理已明降諭旨將特成額革職拿問舒常李封管工自贖其承修及該管各官員交阿桂查明嚴參分別從重治罪著賠因念姜晟到任未久候查明後尚可從寬但姜晟擢用湖北巡撫已將年餘於該省官員以此種種玩誤並未據實陳奏即如匪費一事昨舒常前來行在陛見朕面加訊問亦據奏實有其事兩淮鹽引在楚省行銷地方各官其職專在緝私督銷乃竟敢藉端向商人勒索層層剝削以致商力疲乏配運不前積壓課引姜晟若無染指情事何不據實查參乃到任一年並未奏及茲於該管隄工復有浸淹之事雖因履任未久從寬免治其罪豈可復庸封疆之任享豐厚養廉乎姜晟著即來京舒常與李封同係該省督撫舒常業經解任李封亦著解任前往荆州管工自效其刑部左侍郎員缺即著姜晟補授姜晟接奉此旨即速起程來京供職務於朝審以前趕到其湖北巡撫員缺著惠齡補授惠齡接奉此旨即著速赴湖北任事所有湖北巡撫印篆著姜晟親帶於途次迎交惠齡接收畢沅昨已補放湖廣總督其未到之先湖廣總督印務仍著舒常暫行署理俟畢沅到後再行交代朕因該地方官員因循玩愒該公映氏至於已極不得不嚴加懲創畢沅惠齡受朕深恩擢用督撫伊二人到彼後隄工及撫恤各事宜皆有阿桂等在彼經理惟地方一切事務必須實力整頓一洗從前積習俾吏治日有起色如嗣後該省尚有仍前玩誤及再有染指匪費等項情弊則是伊二人不能承受朕恩自貽咎戾勉之慎之至河南巡撫員缺昨奉本令惠齡前往署理今惠齡已補放湖北巡撫應即速赴新任所有河南巡撫印務即著梁肯堂前往署理梁肯堂見護送戶部解往荆州銀兩俟頭起銀兩出境後梁肯堂即由彼速往河南署事其未到之先即著晏安暫行護理以便畢沅速赴湖廣新任勒保見署陝甘總督回任尙需時日所有山西巡撫印務著海甯前任署理海甯未到以前仍著鄭源護○轉瑪興阿爲吏部左侍郎以保成爲吏部右侍郎由內閣學士遷○以萬鍾傑爲福建按察使由案調○癸未諭據保甯等奏稱布魯特事班璧特伊母今年一百六歲尙屬壯健感激天恩誠心恭祝萬壽令伊稟知等語布魯特事班璧特之母見年一百六歲精神矍鑠西域道微共沐昇平上瑞朕心深爲忻慰著加恩賞給大段二匹貂皮六張伊子前來具稟禮儀恭順亦屬可嘉並著賞給藍翎以示朕優獎高年無間內外至意○甲申諭軍機大臣等阮岳逐主亂常差人進貢斷無即准其納款之理此必阮岳自知篡竊

悉天朝致討故先以此爲嘗試若令不晚事體之督撫在彼收則懼失國體不收又慮生事端豈不至遲延無據今孫士毅一接稟報即親赴鎮南關督令該協站立關牆大聲呵斥並諭以天朝已調大兵分路進討令該夷官歸諭阮岳迅速悔罪自新迎還故主詞嚴義正足使阮岳聞之膽落孫士毅所辦實屬可嘉著賞上用蟒袍料一件以示優獎又據奏該國舊文淵州夷目阮廷沛攜帶印篆挈同眷屬八人攀越山嶺求至內地口稱要見國母已准令挈同家屬過山安插土司地面並令阮廷沛前赴南甯面見嗣孫之母等語如此方是阮岳所遣之人即係新文淵州黃廷球今阮廷沛係文淵州夷目自因不甘奪職挾印而來並非詐僞若揮之使去凡繫心黎氏者咸知內地不肯收留必致去而從賊今孫士毅即將該夷目安插內地令見嗣孫之母使該國人眾知天朝加恩黎氏凡有心懷故國者無不一體收納更足以堅其內向之誠而祛其從逆之志見在安南地方尚未全歸阮岳其未經從賊之各路文武不下二百餘員兵民亦有數萬尚可資其力量徐圖恢復朕意此時止宜於附近之左江高廉並雲南開化臨元二鎮各在本境整飭兵馬器械操練巡防聲言進討以壯其聲援如本鎮兵丁爲數尚少不妨一面奏聞一面於附近營分酌量添調至孫士毅奏請簡望隆威重之大臣帶領巴圖魯來粵外夷聞信愈可震動收效更捷等語此又可稍待安南見在情形看來尚可煩我兵力若由京遣派大臣帶領巴圖魯等前往與用兵何異況孫士毅如果不能辦理此事朕亦卽揀員更換今孫士毅籌畫一切俱合機宜是此事該督儘能妥辦目下又不至用兵何必差人前往致駭聽聞若阮岳始終抗玩或竟全踞安南將黎氏子孫戕害不得不申天討屆期朕自有定奪○丙戌諭凡民修隄工在五百兩以上者一體報部查覆著爲令○丁亥諭軍機大臣等據慶麟等奏巴勒布庫爾喀屬下頭目蘇爾巴爾達布等西向沮木郎部落擄掠復東向我邊入寇見在前後藏俱各嚴備等語巴勒布地方距後藏甚近今蘇爾巴爾達布等跳梁起釁若向聶拉木濟噶宗喀等處滋擾此係衛藏所屬地方理應派兵堵禦第班禪額爾德尼年齒尙幼而仲巴呼圖克圖亦係出家之人難免震驚著雅爾泰卽酌帶綠旗兵暨達木額魯特兵前赴扎什倫布將班禪額爾德尼加意撫慰與仲巴呼圖克圖等商議所有後藏與巴勒布接壤之處俱宜力爲守禦其前藏地方亦著慶麟等嚴加防範再雅爾泰抵彼後若聶拉木濟噶宗喀一有挫失卽先將班禪額爾德尼遷移前藏方爲妥協儘更需川兵著一面各行調取一面奏聞此時慶麟等惟應豫籌萬全善加防守有何信息卽速奏聞○戊子諭軍機大臣等據慶麟等奏濟噶聶拉木二處已被巴勒布搶占惟宗喀尙在固守衛藏兵力不敷堵截已咨川省調撥駐防綠營官兵應用等語所辦甚是川省距前藏較近想朕昨降諭旨到時該督等自早已接准慶麟咨會著再傳諭李世傑成德卽於該省駐防滿兵內添派五百名仍遵昨旨於綠營及番兵內就近酌調共三四千名建昌鎮總兵穆克登阿帶領凱旋官兵回川此時自己早到卽著成德與穆克登阿帶領各兵迅速赴藏幫同堵剿昨已有旨令鄂輝馳驛迅回川省著再傳諭該將軍星夜遄赴成都如到時堵剿諸務尙未完竣卽著速赴前藏接辦成德此時著帶印前往候鄂輝到彼再換回在省滯壓如鄂輝察看見調各兵不敷堵剿不妨據實奏聞再帶二三千名前往應用以期迅速

藏事

八月癸巳諭軍機大臣等成德等帶兵遣赴西藏協勦不特所帶口糧諒止敷途次日食之用即火藥鉛彈等項恐亦不能多爲攜帶勢須在後陸續運送以資接濟維時大兵已過解送之人無多設窮番等竟於中途有搶劫情事更屬不成事體朕意尙須派一大員帶兵三四百名於口外適中之地駐紮彈壓稽查方爲妥協著傳諭李世傑卽飛札與成德商酌或於成德穆克登阿二人內酌留一人或於帶兵之副將內酌派一員在彼駐紮僅伊等因見需帶兵赴藏協勦未便留駐卽著李世傑於內地各營副將參將內揀派一員帶兵三四百名星赴口外適中之地駐紮往來查察並令聲言在後尙有大兵前進使窮番聞風畏懼不敢出放夾壩所送糧餉火藥等項不至疏虞此爲最要再巴勒布不過么厝小醜一經大兵堵勦自不敢大肆騷張設該夷眾等恃其獷悍竟敢侵犯至藏達賴喇嘛班禪額爾德尼俱係大喇嘛不便仍住前藏致被驚擾自應照雍正年間移至秦甯地方居住該處舊有廟宇惟當將達賴喇嘛班禪額爾德尼住房量爲糊飾潔淨備其棲止以資安禪○論昨因慶麟等奏到籌辦接濟軍餉已諭慶麟等鼓舞西番人等令其踊躍出售矣因思巴勒布賊寇無多雖搶占濟甯等處去前藏尙屬甚遠豈能突來侵犯卽不曉事之商人或恐賊來擄掠躲避不前斷無不願官爲採買之理此非慶麟深留地步卽係畏難推諉見據李世傑奏打箭鑪至藏九十餘站運糧必分二百站行走不能迅速該處所有殺營兵五百達木之蒙古兵五百並四川發往兵一千共二千餘兵所需糧餉仍著慶麟等從本處採買但西番人素性愚蒙若不明白曉諭不免疑懼觀望今特明降諭旨譯寫番字寄交慶麟備行曉諭一面卽動支庫帑比平日採買之價略加增益庶小人慕利自必踴躍前來紛紛出售矣再達賴喇嘛商上存糧亦必不少慶麟等卽同班第達商酌與商上管事之尙卓特巴等妥議將所用糧石先行估價給銀俟事竣再行買補卽班禪額爾德尼商上亦有存糧著與仲巴呼圖克圖及該處尙卓特巴等妥議論將商上見有之糧接濟兵食俾得奮勇攻賊及早擊退卽班禪額爾德尼亦無須移駐前藏僅吝惜不肯發出一時未能藏事將來所存糧餉徒供賊人擄掠何若支給兵丁照數給價慶麟雅滿泰當速遵諭旨妥爲辦理○諭唐古特人眾曰達賴喇嘛班禪額爾德尼數世居藏廣興黃教受朕深恩歷有年所卽西藏黃黑番眾安居樂業亦已久矣今因巴勒布等侵犯藏界搶掠拉木濟喀一處爾黃黑番眾理宜竭力支持勦退賊匪第念爾等習於便安久不知有兵戎之事忽遇此舉勢必張皇無措朕甚憫之今特訓內地官兵赴藏討賊無非保護爾等莫安衛藏之意爾等更當歡欣鼓舞多聚糧食以期兵食充足剋日藏事但爾等皆識見愚蒙或藉此圖利囤積居奇或聞信惶惑不敢出售均未可定茲特曉諭爾等若有收藏米麪糴糈及可作行糧之牛羊等物禁行發出售賣用濟兵餉不惟爾等可資厚利大兵不虞乏食成功迅速豈不甚善且巴勒布賊眾雖經搶掠聶拉木濟喀二處與前藏相去甚遠又何恐懼之有爾等若將所存糧食藏匿不售官兵運餉不繼不能保護爾等惟有將達賴喇嘛班禪額爾德尼移駐秦甯地方賊眾如何肆虐於汝亦止置若罔聞彼時爾等豈惟不能獲利且致受害無窮悔無及矣尙其慎

思利害激發大良龜勉從事功成之日朕將施厚恩於爾等焉○諭慶麟雖未懸嫌人尙明白雅品奏前在喀喇沙爾駐紮辦事以知勤奮今爲巴勒布賊眾無端侵藏搶掠蓋拉木濟噶等處伊等調兵豫備一切雖尙不至偵事但究未經行陣朕甚憂念今特寫檄文曉諭禍福譯出番字發去檄諭巴勒布部落廓爾喀等曰前經駐紮邊境之第巴等報稱爾屬下首領蘇爾巴爾達布整軍前抵我境將蓋拉木濟噶兩處搶掠此兩處雖近邊疆爾之區原係藏中舊屬非爾之地從前五輩達賴喇嘛時爾等侵奪濟噶達賴喇嘛發兵奪回今爾整頓兵旅諒係與他部起釁不意滋擾藏界猶欲向宗喀前來殊出情理之外爾巴勒布部落不過邊外小部理宜守法安居以享昇平之福乃如此妄行蠢動大聖皇帝雖至仁慈體上帝好生之德似此狡焉思逞之徒亦斷不容爾等輕藐必發大兵殲戮剿除前者如大小金川滋釁經大聖皇帝特發勁旅全境蕩平即如藏中前被準噶爾侵奪時大聖皇帝不憚恢復藏地且將準噶爾圍屬及回部諸城全行剿滅今歲復生擒臺灣賊首土宇廓清我大國兵威衛之茫無聞見耶今爾或一時昏昧若及早引罪退兵獻還兩處大聖皇帝仁慈洞燭不加深究或可曲邀寬宥誠爲爾等之福倘不悛思利害一意肆行不知悔止本都統已備兵數萬統領前進並續調數十萬兵一經舉動大兵全至爾部落可須臾盡滅彼時即恐懼哀懇撤兵勢亦不能中止豈惟將蓋拉木濟噶等處全行收復必將爾圍部亦如兩金川準噶爾室灣之盡行蕩除不遺餘孽方足以昭天討茲念數十年來爾部尙屬甯靜且往來貿易者絡繹不絕與爾等大有利益今無故跳梁起釁自非爾之本意必係屬下匪徒就中取利唆使妄行本都統不教而殺心有不忍是以明白宣示諭爾檄文爾接閱此書須往復熟籌速行退兵將蓋拉木濟噶等處全行獻出否則大兵一發爾等靡有孑遺追悔莫及尙其詳審利害毋自貽伊戚也著傳諭慶麟雅滿泰於接到檄文後即鈐用印信與第達等商酌選派能員速交巴勒布夷目並將巴勒布接奉檄文作何舉動有何言語及見在如何調兵堵禦剿辦等詳報何信班禪額爾德尼會否移駐前藏一併迅速馳奏○諭阮輝宿等既欲回國尋覓嗣孫常同恢復其志其屬可嘉孫士毅自應即日令伊等起程將天朝見在派員統率大兵四路助剿之旨及曉示安南各鎮目檄諭令該陪臣帶同安南廣爲傳播於聲援之道自屬有益孫士毅有何顧忌不即將陪臣等速遣豈尙慮及朕未必准行欲俟接奉諭旨後再行遣發耶至據奏恩諭伊等之處恐謠言稍多或有遺忘見在多寫數分令伊等同國之人各帶一分又見計粵東挑備之兵已有四千兵將來如粵西兵力不敷揚威之用即請旨撤調以冀早行厥功等語籌算俱屬妥協即應如此辦理至粵西見有辦理科場事宜係承清專責務宜早爲儲備妥協辦理○甲午諭大兵黎氏眷屬安插南甯所有需用糧餉及一切口糧等項自宜源源接濟此係孫承清專責務宜早爲儲備妥協辦理○甲午諭軍機大臣等昨寄慶麟發交廓爾喀檄文內尙有未到之處如雍正年間巴勒布之葉殺雅木布庫庫木等兩次遣使好誠納貢嘉其恭順誠信恩賞便蕃今之廓爾喀者乃雅木布之呢爾巴也當伊侵擾三部之時即應與師問罪特以三部本屬微弱且究係外番之事故未深究廓爾喀理宜安分靜守何得復行侵擾衛藏濟噶等處地方雖小乃係天朝疆界一經蠢動天討必加今若畏罪

投誠將濟龍等處恭順奉回大聖皇帝備極仁慈尚可量加寬宥若仍昏憤無知逞其螳臂必致大興勁旅戮滅無遺爾等若倚恃  
路遠尤爲冒昧試思伊犁等處回城道路如何除遠天朝俱經剿滅爾等跳梁小丑更何難一舉殲擒維時非不能保其部落且  
不能稍延殘喘可將此譯寫速寄慶麟等一併添入撤諭內交與巴勒布如何登答即速奏聞○辛丑諭軍機大臣等安南廠丁爲  
數甚眾若爲賊所煽惑恐致賊勢益張今蔡士毅等撤諭該廠頭人許以恩賞並免其廠稅令出力剿賊亦一辦法至江朝英所稱  
安南連年荒旱米價昂貴恐餉賊時糧食不接粵西地方向係產米之區係士毅等於附近倉穀酌量濟給亦無不可但此項糧石  
止須運至邊界各隘口地方令廠民等前來領取若該廠丁等果能助力殺賊迎回嗣孫不煩內地兵力自屬甚善該廠丁等因感  
念蔡氏舊德不肯從逆見復諭令幫同剿賊正責其力所有從前偷越之事亦可不必追問○以吉慶爲內閣學士由副都  
諭軍機大臣等據慶麟奏行抵後藏保護班禪額爾德尼並察看唐古特等情形及噶布倫載綱等所報各信看來巴勒布並非強  
橫慶麟雅滿泰若素嫻軍旅一聞巴勒布侵擾之信自應迅以鎮靜密爲防範今載綱將結等甫至會噶爾即殺賊首一名賊眾三  
名奪回搶去牲畜並稱所謂唐古特兵足資抵禦可見賊匪並無能爲但藏內唐古特等懦怯無能當巴勒布賊眾侵擾時慶麟奉  
仲巴呼圖克圖告稱前代達賴喇嘛書內遇有軍旅之事免派扎什倫布各兵等帶其屬可笑設非藏地用兵扎什倫布所屬自可  
不行徵調今巴勒布搶掠濟龍等處係後藏邊界相逼已近扎什倫布豈能自保耶慶麟未能即加斥責於彼已屬錯謬乃士論伊  
等靜守尤足增其畏懼之心著傳旨中飭慶麟務遵節次所降諭旨曉諭唐古特人眾令其振奮剿殺迅速藏事又諭據慶麟雅滿  
泰奏報派兵赴藏堵剿巴勒布校賊數名並奪獲牲畜數十等語巴勒布被官兵以寡擊眾剿殺退敗看來賊眾無能亦無大志不  
值大辦著傳諭鄂輝李世傑即將續派官兵五百名停止前往至成德前經帶兵一千前往西藏計此時不過甫至打箭爐行走未  
遠並著傳諭成德沿途留心探聽並與慶麟等迅速商酌如所帶官兵已離藏不遠或乘巴勒布初敗之時帶兵奮力追剿將搶去  
轟拉木濟呢二處地方全行收復俾賊人喪膽不敢復犯邊界一勞永逸固屬甚善若官兵行走距藏尚遠約計到時巴勒布早已  
遠遁則所帶官兵一千名竟可無庸前往致滋煩費至內地辦理軍需等項此時亦可無庸多爲籌請並著李世傑探明確信彼此  
相商酌量辦理若該處事已完竣即可停止備辦以節虛糜○乙巳諭據垣垣奏奏東陽縣知縣謝明維信後此  
田產每多弊混具詳藩司請設局推收經藩司飭駁批府嚴禁該府張思振復照縣詳轉稟又經藩司嚴行批駁該縣謝明維敢擅  
行私立戶管田冊令各鄉戶填明田數送縣用印每畝索錢二三四五不等見厥主員胡含英等捏告查起已用印冊七十八本  
無印白冊二千七百四十七本計收過錢七十餘千請將東陽縣知縣謝明維革職嚴審全華府知府張思振解任交與該撫提同案  
內人證一併嚴審定擬具奏至此案經詳請藩司辦理該司批駁後復經該府照縣詳轉稟該司顧學淵明知事屬粉飾即應將該  
府縣嚴實利參或請該撫嚴行參辦乃僅以此徇了事殊屬非是各省藩司原有奏事之責乃外省占氣遇事多自模稜各藩司

所陳奏事件大半不過雨水情形及銀號無算照常交代之措而於關繫地方要務不肯專摺入奏近日藩司中惟梁肯堂辦事極屬認真是以加恩令其署理河南巡撫顧學澍條由道員特用藩司何以於此等劣員擾亂地方之事竟不詳請該撫辦理又不據實參奏殊負委任顧學澍著吏部嚴加議處至各省藩臬大員即過有撫執法當私亦得專摺入告非欲伊等輕督撫之肘蓋國家設立兩司大員令其具摺奏事原欲兼聽並觀以期民隱上達若遇事輒執默不言又妄用藩臬大員並令伊等奏事為耶嗣後各省藩臬等惟當交矢精白勿仍蹈隨同附和積習致干咎戾也將此通諭知之○丙午 上自避暑山莊巡幸木蘭行圍○戊申諭前因臺灣賊匪初捕完竣但該處民情剽悍雖經此一番懲創或事過即忘不足令其怵目儆心常思安分特令於臺灣建立福康安海蘭察等生祠俾民人望而生惕昨據徐嗣曾奏臺灣興建生祠擬於御碑事後附建蓋因思福康安海蘭察等帶兵渡臺剿賊固屬有功而李侍堯在泉州廈門一帶辦理軍需始終無誤徐嗣曾前赴臺灣幫辦善後一切亦為妥協且督撫為守土大員若不得與帶兵之將軍參贊等同沐受功之典亦恐該處民人意見輕視李侍堯徐嗣曾著准其一體列入侯生祠建竣後所有設立木牌福康安自當居中其左則海蘭察右則李侍堯左次普爾普右次郭輝左再次徐嗣曾右再次舒亮並將御製功臣生祠誌事詩一首繕寫清漢字發往一併刊砌碑旁以示朕優獎勤勞至意 御製詩曰三月成功速且奇紀勳合與建生祠垂斯琬琰忠明查消彼倭特志默穆臺地期巨業民業海濱不復動王師日萬日毀似殊致崇實斥虛政在茲○諭東省運河疏濬不必拘按年太不挑之例責成總河等於每年回空時確勘具奏○庚戌以木蘭水大停止行圍○壬子諭軍機大臣等據李世傑奏巴勒布既該後藏運界地方該處緩急情形難以壘牆固不可多糜兵力致費周章似亦須量予增加俾得迅速處事請將前調之第二起滿漢官兵及屯練降番兵一千名仍接續進發俾壯聲威等語該督能相機妥辦並不拘泥過旨所見甚是實屬可嘉惟所稱前調之明正裏塘等番兵一千名令其仍前預備聽候調遣之處見在藏內正資內地兵力協剿續派之番兵一千名竟當即速前往何必復行聽候以致遲延乎又據奏西藏道途險遠稅運維艱前接慶麟等咨會當即查明該處郡王頗羅龜之時曾經就近買米例案咨覆查辦等語藏內就近採買從前既有成案可遵乃慶麟等未經更事一經煩難使手忙腳亂實屬錯誤除嚴飭慶麟等速行採買供應外但李世傑仍當竭力妥辦不可倚恃伊二人以致或有缺乏之見據該督奏已撥米一萬二千三百石趕運打箭爐並按站趕運直抵西藏足敷兵食之用所辦可謂盡心且郭羅克距西藏尚遠又經李世傑派兵護送無虞搶掠所辦甚是又據奏轉運米石軍火在在需銀請先於備貯軍需項下動用事竣另行歸款等語此項銀兩既為貯備軍需而設自當即行動用俟事竣另籌歸款○諭見在梁肯堂署理河南巡撫直隸事務殷繁亟需熟手幫辦因思福建軍務完竣內地並無緊要應辦事件著伍拉納即將巡撫印篆交李侍堯兼署迅速前赴河南巡撫新任梁肯堂交印後即可趕回直隸幫同劉義辦理一切伍拉納到任後將應辦之事略為料理再將印篆交與藩司景安護理前來陸見請訓亦不為遲將此各諭令知之○癸丑諭巴勒布賊匪滋擾後藏成德鄂

燭先後帶兵赴鄂鄂輝著授爲將軍成德著授爲參贊大臣協力妥辦以期迅速肅事○諭慶麟奏巴勒布賊搶占宗喀復圖晉喀爾之案又有賊來晉窮結營唐古特兵撤回在春封地方慶麟照料班禪額爾德尼由扎什倫布北山蒙古地方揚巴津一路行赴前藏雖是違旨辦理但唐古特兵基屬倖賊至並不奮力剿殺卽星散逃避慶麟宜嚴行懲責令其奮勉守禦乃輕聽所報謂賊可捷是先示伊等以備怯矣又據稱賊掠宗喀之後由巴桂塘一路往魯噶爾會齊是賊非據守宗喀唐古特兵理宜仍往宗喀躡賊之後雖不能一舉殲擒亦可力圖克復並分圍魯噶爾之賊勢慶麟何反將懦怯之語引導戴綱等耶慶麟祖班第素稱能事何以生此無用之孫甚爲愧之再慶麟照料班禪額爾德尼到前藏後卽當遣回扎什倫布前藏有雅爾泰諸事儘可辦理何用慶麟在彼明係慶麟藉端徑回前藏將後藏委一無用之仲巴呼圖克圖遠謂與己無涉僅扎什倫布又被賊人占據朕必將慶麟從重治罪斷不輕恕成德不久卽至後藏辦理用兵裁賊事宜慶麟雅滿泰不可妄爲掣肘慶麟著在後藏保守雅滿泰著駐前藏接應軍糧若有貽誤惟二人是問○甲寅諭軍機大臣等黎維祁親赴山南招集義兵乃至爲賊所偏僅有跟隨數人入山藏匿看來竟是一無能爲之人難望其振作恢復見在阮岳阮惠因見孫士毅所發檄文畏懼遁逃潘啓德本係阮惠心腹一接檄文卽知去逆效順經孫士毅諭令約七州人馬及廠民人等速即遣進自無難直達聚城該嗣孫兒在處東地方孫士毅已購募土人前往探聽知處東鎮目接到孫士毅密札已撥兵護送該嗣孫起程歸國孫士毅俟得有該嗣孫送來符驗自當酌量情形再料理眷屬出關至阮惠等因見該督檄諭催天胡政討震疊違宜若內地竟無舉動賊匪知該督檄文內所稱調備大兵不過虛張聲勢必益無畏懼改督復南竟圖篡奪孫士毅所請先期調兵預備之處自當如此辦理但如果用兵進討時孫士毅係兩廣總督關繫甚重且內地應辦之事甚多斷不可親領前往該省提督許世亨總兵張朝龍李化龍均係經歷行陣之人况阮黨僞鎮帶兵過文淵州經州民黃條達等率眾邀截殺傷賊眾甚多人七泉州社目阮仲科等亦願帶夷人七百名隨同勦賊看此情形阮岳等亦無須多兵剿辦止須令許世亨並總兵一二員帶兵數千名前進孫士毅再備數千在關隘駐紮聲言續發諒阮賊等斷不敢恃其頑犢負隅抗拒○戊午 上駐蹕避暑山莊

九月己未朔諭據阿桂等奏會勘荆州被水情形一摺內稱荆州水患詢之該處官員兵民人等咸以竇金洲侵占江面漲沙偏溜爲言且言之不自今日始經阿桂等親往履勘屬實○查有本地蕭姓民人於雍正年間至乾隆二十七年陸續買買洲地種植蘆葦每年納課因貪得利息逐漸培植每遇洲沙漲出蘆葦即填洲而生阻遏江流洲面漸闊江面卽愈狹窄狹是以上流壅高所在潰決等語竇金洲漲沙逐年增長侵占江面偏溜北趨以致郢城屢有潰決之事其受病之源實由於此該處官員兵民人等歛口一詞且其說相傳已久該督撫等經四十四年四十六年兩次被水之後仍不留心查察置若罔聞直同聾瞶所司何事又蕭姓置買洲地種植蘆葦牟利累家已非一日此項洲地原因沙漲而成何得謂之祖業必係爾時蕭姓購求地方官傳認輕租所得耳見

在荊州被水數萬生靈咸受其害情節甚屬可惡見飭令阿桂等將蕭姓家產查抄並交刑部按律治罪至該督撫等平日於此等關繫民生之事何以竟置不問除特成額詣事關草廢弛業經查抄家產見已降旨將伊革職拏問外至舒常才具本屬中平因其小心謹慎且係大學士舒赫德之子是以屢加拔擢用至總督乃伊兩任楚省並不實心任事感激圖報於荊州客金洲漲沙偏逼共見共聞之事向不介意體訪隨時籌辦致郡城被水成災爲數十年所未觀實屬孤負任使舒常著革去翎頂仍留工所效力贖罪李封係曾經獲罪之人縱朕棄取錄用簡擢巡撫乃在任時並不加倍感奮於地方要務視同膜外其於甚重李封前經降旨將伊解任亦著革去頂帶留工效力贖罪至姜晟到楚已及一年於地方利病豈得該爲不知亦著革去頂帶姑念其平日辦理刑名向爲熟習仍著加恩署理刑部侍郎事務所有此次荊州隄工加高培厚各土方及府縣漂失倉米並著阿桂等查明歷任督撫藩司及該管道府等分別著落賠補以示懲儆至荊州客金洲漲沙偏逼由來已久該處蕭姓民人種植蘆葦起自雍正年間不特彼時在任督撫難以查考即乾隆四十年以前歷任各督撫事隔多年亦難悉行查辦前經降旨令阿桂查明以十年爲限非於十年以來督撫等有所偏重即如楚省厘費日漸加增而近年督撫等所得尤厚前舒常來京陛見經朕面加詢問伊亦不敢不據實承認舒常係小心拘謹之人是以經朕詢問不敢欺飾但伊尚不能不從中染指則此外各督撫不問可知是此案即將近年之督撫等從重懲辦於伊等亦無所委屈朕辦理庶務一秉至公固不肯以事經年久令後人獨任其咎而於輕重權衡務求其平允即令伊等捫心自問亦當無可置喙也將此通諭知之○諭各省民田廬舍百姓等守其世業或一姓相傳先疇是服或申姓之業售與乙姓皆在所不禁今客金洲因沙漲而成何得謂蕭姓之祖業此必係奸民見江中漲出洲地墾種可以獲利藉升科爲名納租認種其交官者不過數十分之一而地方官吏亦必得其利賄其餘盡飽奸民之慾墜一經具呈地方官因受其賄求遂罔顧利害代爲蒙混具詳督撫等亦漫不加察率准題達任令據爲己業牟利肥家而奸民因報官有案又貪利不已遂漸培植以致蘆葦環洲而生阻遏江流衝決隄岸城郭以致數萬生靈咸受其害造孽甚深情節實爲可惡見將蕭姓查抄治罪實不爲枉但小民惟利是圖止期益己不顧損人亦不特蕭姓爲然即如黃河之外灘以及西湖淀河山東江南湖陂等處百姓私占耕種者甚多屢經曉諭飭禁而奸民貪圖利息地方官吏又思從中分肥並不實力查業任令開墾居住與水爭地或藉口升科輸納少許一經潰決不特附近居民咸遭淹沒而修築撫綏糜帑倍徙於國計民生均無利而有害著傳諭各督撫嗣後凡額臨江海河湖處所沙漲地畝除實在無關利病者無庸查辦外如有似客金洲之阻遏水道致爲隄工地方之害者斷不准其任意開墾妄報升科如該處民人冒請認種以致釀成水患即照蕭姓之例嚴治其罪並將代爲詳題之地方官一併從重治罪決不姑貸○諭軍機大臣等阿桂所奏客金洲適處荊州郡治下游江心此時即於洲上挑挖引河不得迎溜河頭恐江水平漫入河仍慮淤閉必須建築石壩挑溜河南激注沙洲方可相機辦理等語建壩挑溜所想甚好自應即遵妥辦但朕意何不於洲之上首西北處所先挑成河口使其迎受江

水因勢利導將來石壩築成挑溜南趨江水必更直注洲頭或可冀衝刷成河豈不省便已於國內用碌筆標誌發去著即確勘妥商將是否可以如此辦理之處據實具奏又據奏見潰決各腔腔補完缺口後再按被淹痕迹最高處所加高培厚堅實礮築足資保障似毋庸改建石工等語前因郡城迤西一帶隄工頂衝著重迤南巡護府地一帶亦關緊要恐土性鬆浮不能堅實因諭令阿桂酌量情形用石修築今既據阿桂奏江水深至數丈難以措手且土隄加高培厚足資保障則亦無庸改建石工但阿桂等見因掘添石壩築成尙需時日而玉路口迤東一帶正對舊金洲埭成大灣隄根接刷傾缺雖見經阿桂派員於該處載石沈船護住埭尙此亦不得已之一法將來應否將該處隄工及附近挑水壩隄工酌量用石改建之處並著阿桂覆加察勘悉心籌酌總期於隄工有益不在惜費永杜後患或石或土亦不必泥於遵旨也所有著姓民人侵占洲地著交阿桂等查明究竟起自雍正何年彼時縣府道司及該督撫係屬何人並乾隆二十七年該處地方官及該督撫又係何人其是否從他處轉售一併詳悉查明據實具奏並著傳知該處附近居民以蕭姓貪圖洲地利息廣植蘆葦連過江流致郡城被淹該處百姓咸受其害是以將蕭姓查產入官照例治罪並無絲毫委屈此卽爲富不仁之刑戒嗣後小民等毋得效尤爭利復蹈罪愆庶該處民人知所懲儆將此由五百里傳諭知之○壬戌補甸國使臣細哈覺控等人稟○癸亥敕諭緬甸國長孟順曰朕惟輸誠納貢夷毆修職貢之儀舍服招攜王制重懷柔之典念荒徼克循舊服則朝廷宜沛新綸爾緬甸國長孟順曰朕惟輸誠納貢夷毆修職貢之儀舍服招攜王制重懷力政來享情殷既遣使以將虔復陳詞之維孳具昭忱懼良可褒嘉是用降敕獎諭賜國長孟順之妻佛像文綺珍玩器皿等物國長尙其敬受益矢恪恭朕復念爾國長當家庭構亂之餘甫掌國事爲土宇教甯之計移建城垣正宜永戢兵端修和鄰好俾爾人庶咸遂樂生訓朕眷懷長承寵錫故茲敕諭○乙丑禁各省州縣私立班館私置刑具○丁卯諭軍機大臣等牧馬土司將僞官阮達狀等擒獲自應准其解送內地以絕伊等觀望之心孫士毅一接稟報卽令派兵解送進陞並用言撫慰從優賞給諭令糾約各處土官誠阮扶黎而阮文爵朱文奏係僞官之弟與僕去留原無足重輕且阮達狀朱廷理畏死倖生自必屬令阮文爵等速取嗣孫回信進關更可得黎雅和實在存亡下落該督所辦悉合機宜實屬可嘉之至著再賞給御用大荷包一對小荷包二對以昭優獎至牧馬土司閉阮律等將僞官阮達狀等擒獲解獻尙屬恭順著再加賞段二匹並著孫士毅卽傳知該土司等以爾等擒獻僞官業經該督代爲奏聞大皇帝以爾等實心效順深加嘉獎特賞給段二匹使該土司等倍加感激出力幫同勦賊再聞朱廷理供稱阮惠讓出黎城帶一萬多兵退至富春他心裏還不肯捨卻黎城意存觀望仍留下七八千兵分守黎城及各要隘地方打聽天朝進兵便一併撤回保護舊巢儘大兵不進且令防守各處險要以作後圖等語看此情形見在內地官兵若不及時前進不特阮惠妄想還伺卸安南各鎮目亦未必不恐阮會銜恨各相觀望而黎雅和又係無能之人逃往山中藏匿不能力圖恢復是此貳粵西官兵竟以遠進爲是著孫士毅卽察看情形道照前旨派令許世亨等帶兵數千名前往孫士毅仍帶兵在關隘駐紮作爲策

應毋庸輕進止須將聚城收復並得副孫黎維卿下落即可將該國督局派兵護送歸國就該督節次奏報情形而論安南之事似可無須多兵但既經許世亨帶兵前往自當使首惡速就擒獲永絕根株方爲一勞永逸之計○已已論振劉紹錦奏本年各省鄉試以詩經命題次年會試例應輪用書經第如禹貢洪範周詩殷盤或義遍闡深或擊牙詰屈僅一時不能熟讀通暢勢必期費雷同草率了事請明春己酉會場仍以詩經出題又新例停止預備空白試卷被貼者多請嗣後此項空白試卷仍照舊預備等語科場條例上年經大學士九卿等議定章程五經分年輪試今歲鄉試屆期本應用易經出題朕因周易理蘊深奧恐邊省士子未必人人誦習特命今歲鄉試先用詩經出題次年會試用書經出題已屬體恤備至今劉紹錦復恐士子等中式後未能即通曉書經義旨請明歲會試仍用詩經出題所奏實屬沽名釣譽書經乃士子等束髮時即應誦讀之經豈有業經應試猶未曾誦習之理若云詰屈擊牙難於成誦則朕至今年屆八旬尚不至遺忘豈士子等讀書應試冀取科名既經中式於書經理解轉不能記憶乎至空白試卷停止預備原爲防閑弊竇起見且士子應試原應諳習規條何至干犯貼例需用空白試卷更換若伊等不知小心致有汚損錯誤即係自誤功名被貼亦不爲枉乃劉紹錦意存邀譽率爲此奏殊屬非是國家甫經定例奉行伊始即紛紛妄議更張尤爲明季惡習斷無此政體劉紹錦何易視朕爲諸事不理之庸主乎著革職交刑部議罪○論本日蘭第錫四百里報至朕以爲或係河工有緊要事件及加拆閘乃係奏報沿河地方得雨情形且閘摺內有聖德感召甘霖應時之語殊屬不誠本年巡幸木蘭因連值陰雨以致秋獮大典不能舉行朕方引以爲愧即或豫省沿河一帶近日雨澤稍短見復優霑亦止須照例奏報何得輒用驛遞並以膚泛不誠之語漫爲頌揚是該督此奏非以爲頌乃徒增朕愧耳各省雨暘無刻不關朕念但天下至大安能悉臻時若即偶有旱澇不齊之處亦止飭令地方官妥協辦理從不因偏災而遽加守土者之罪其有雨水調勻收成豐稔者亦惟倍加敬感並不因此將地方大吏輒予嘉嘉即如此次荊州被淹較重朕亦因該省吏治廢弛日久於民生利病平日漠不關心以荊州隄工乃全郡保障僅令佐雜微員董率民修道府等近在同城並不親加查察任令草率偷減工程不固而害金洲漲沙偏溜爲共見共聞之事又皆置之不問是以不得不從嚴懲處以肅官方而儆將來原非因荊州被淹有災遂歸咎於該督撫等而加之譴責也蓋以雨暘嘉地方官或加申飭則地方官必致諱災朕不爲也督撫等俱受朕深恩閣擢重任豈尚不知朕懷然如蘭第錫之似此虛詞稱頌者殊亦不少並著通諭各督撫嗣後凡屬奏報雨水地方事件務期以實不得輒用頌揚虛詞填砌入告以副朕崇實黜華至意○庚午論軍機大臣等慶麟等奏巴勒布起釁因昂拉木等處第巴妄增稅課所致國家設立駐藏大臣原爲辦理地方事務俶處第巴等濫行增稅慶麟雅滿泰平日豈無見聞即五月中巴勒布給噶布倫等書信一事雖時噶布倫等雖未稟明伊二人竟形同木偶平若即據實奏聞則刻下大兵早至何至遲誤且噶布倫等早經得信未即具報至昂拉木濟甯被劫不能隱匿始行報明是雖噶布倫等之罪而慶麟雅滿泰亦至此方爲查詢其平時所司何事巴勒布既因增益稅課致起兵端如果實有其事當將擅

自增稅之第巴等押解來京若致伊等先行潛逃慶麟雅滿泰恐不能當此重譴至從前第穆呼圖克圖私自調停辦理時並未稟  
知駐藏大臣今屆掣肘之時始行舉出絕求殊屬可笑慶麟雅滿泰並無一語理責其非實爲無用再發交廓爾喀撤諭立言尤當  
得體今慶麟等書案中竟稱廓爾喀爲王是果朕所封之王乎其餘皆詞錯謬之處不可枚舉此事朕爲達賴喇嘛班禪額爾德尼  
及藏內人眾特發內地之兵唐古特等理應感激急籌兵丁糧餉乃噶布倫等竟以不能辦理爲詞慶麟雅滿泰又不能割切曉示  
令其感悟况兵丁並非專需米石凡衣麵牛羊等物俱可作爲口糧近派後藏之兵仲巴呼圖克圖既援引前輩達賴喇嘛書內有  
免派扎什倫布之語互相推諉是孤負朕憐憫伊等之意著慶麟雅滿泰即以次義明切曉示嚴催辦理再四川官兵赴藏沿路口  
糧俱由李世傑處承辦慶麟雅滿泰何至今始將摺稿咨行且寄信李世傑自當以漢字書寫便於觀覽乃復給以清字慶麟雅滿  
泰種種錯謬之處不可枚舉者嚴行申飭儆仍蹈前轍朕必重治其罪並將此旨發交巴忠閣看即將請拉木等處增稅第巴查明  
並唐古特兵將來如何訓練之處俱留心酌議奏聞○諭歐陽氏等因接到孫七教札諭並聞恩准給予口糧俱歸躍歡欣情願前驅  
殺賊該督應嚴取散漫無人統領而阮輝宿等畏葸不敢出關俱係無能爲之人卽驛令前往亦屬無用隨訪有幕友林際清在廠  
年久爲羣情所服屬其統領殺賊可謂盡心料理林際清一接通判陳松之信卽力任其事見經該督給予印札著卽賞給知縣職  
銜如將來果能成事並卽以實缺補用林際清久在該廠一切仗其主持今又賞給知縣職銜該廠眾等見天朝因伊出力特加恩  
給予頂帶自必聽其調度呼應更靈於剿賊倍爲得力至見在廠民既跟隨林際清踴躍前驅而潘啓德統率七州人馬又經孫士  
毅諭令接續前進朕意此時內地似不得不稍進官兵以壯聲勢蓋潘啓德及廠民等皆因聞天朝聲罪致討是以羣起響應若仍  
按兵不動專用伊等之力必至復生觀望著再傳諭孫士毅卽酌察情形遵照前旨派令許世亨等帶兵二千名前往如此時潘啓  
德等先已收復黎城並得有黎維祁下落許世亨等卽可護送安南各屬一同歸國如黎城尚未收復黎維祁亦無下落許世亨等  
當帶兵先往其眷屬人等俟將來事定再護送回國見有潘啓德與廠民等爲之前驅而該國保樂州官民又復紛紛具稟招集鄉  
勇將從賊地方偽官以次攻剿大兵一到勢如拉朽摧枯趁此兵威自可爲一勞永逸之計○辛未 上自避暑山莊回鑾○壬申  
諭軍機大臣等阿桂等奏估計補完缺口加培墾墾及建築塙工等款一摺並繪圖呈覽閱圖內所繪大江距兗缺萬城等隄尙遠  
且有下百里洲爲之阻隔其附近隄根處所惟有沙河一道但該河甚小未必能衝決隄根而此次荊州被淹何以又由萬城隄首  
先衝決是否江水盛漲時漫過下百里洲竟與沙河連成一片抑係沙河上游卽係承受江大大江水發建瓴而下致由此衝決隄  
厓摺內未據詳細詳敘著阿桂等卽逐一敘明另繪一圖詳加說貼據實覆奏又據另片奏稱荊州洩水故道見惟虎渡一溪承受  
江流南達洞庭等語向止聞洞庭之水鋪江達海並未聞該湖有可分洩江水之處若果江可歸湖則夏秋之閒湖水本屬漲盛何  
以復能容納江水且其間所隔州縣城郭地方甚多又何以能越過不致淹浸仍復歸江此語尙不甚解著著阿桂一併詳晰繪圖